



CITY OF FLINT

Dr. Karen W, Weaver
Mayor

Nyob Zoo Txog Cov Neeg Hauv Nroog Flint:

Tebchaw Asmeskas Tus Kws Lij Choj Hauv Nroog David Lawson tau xaj cov ntaub ntawv txuas ntxiv no qhia rau txhua tus neeg nyob hauv nroog Flint:

*Nws yog DAIM NTAWV XAJ yav tom ntej uas cov neeg raug foob yuav tsum tau muab cov ntaub ntawv qhia meej thiab ncav sij hawm rau cov neeg nyob hauv nroog Flint ntsig txog muaj cov tshuaj txhuas nyob hauv cov dej haus uas teev tseg tias: (1) cov dej **tsis tau lim** ntawm Cov Khoom Lim Dej Hauv Nroog Flint tam sim no tsis muaj kev nyab xeeb rau haus, ua zaub mov, txhuan hniav, lossis tov mis rau menyuam noj vim tias nws yuav muaj cov tshuaj txhuas ntau; (b) cov tshuaj txhuas ntau tuaj yeem ua rau muaj mob hnyav thiab muaj mob mus tas ib txhis, tshwj xeeb mas yog cov pojniam cev xeeb tub, cov menyuam mos liab, cov menyuam yaus muaj hnuv nyoog qis dua rau xyoo, thiab cov neeg loj muaj mob ntshav siab lossis muaj mob raum; thiab (c) cov taub lim dej muaj txiaj ntsig zoo txog kev tshem tawm cov tshuaj txhuas thaum nruab cov taub lim dej thiab tau txais kev saib xyuas zoo.*

Puas yog xav tau kev pab nruab cov taub lim dej ntawm koj tus kais dej? Hu rau Michigan Department of Environmental Quality (MDEQ) ntawm 810-238-6700 lossis 1-800-662-9278. Koj tuaj yeem muab koj cov lus nug xa hauv email rau: deq-assist@michigan.gov.

Cov kev ntsuas tas los no qhia pom tias 96% ntawm cov dej piv txwv tau sau los tau txog lossis siab dua tsoomfwv cov dej zoo haus nyab xeeb. Qhov no tau ntsuas rau-zaug hauv cov dej nyoos uas ua rau pom tias cov dej tau lossis tshaj li tsoo fwv qhov yuav tsum muaj dej huv txog 90%.

Cov kws tshawb fawb tau tshuaj xyuas cov dej hauv nroog Flint thiab ntsuas cov kais lim dej. Cov kws tshawb fawb no pom tias cov taub lim dej tuaj yeem ua rau tsis muaj tshuaj txhuas. Cov kws tshaj lij ua haujlwm tsis nce rau leej twg, xws li Dr. Marc Edwards, kuj tseem hais tias Nroog Flint cov dej lim tau txhim kho zoo ntxiv. Cov dej ntawm nroog Flint tau txais kev kho zoo ntxiv.

Koj yuav tsum siv cov taub lim dej thaum tab tom txuas ntxiv ua haujlwm hloov cov raj xa dej vim tias cov taub no tuaj yeem tshem tawm cov tshuaj txhuas.

Pab pawg Qhia Kev Paub Rau Zej Zog thiab Qhia Cov Neeg Nyob Sab Hauv (Community Outreach and Resident Education (CORE)) yuav mus ncig ib yig dhau ib yig hauv nroog Flint txhawm rau pab lim cov dej. Lawv yog cov neeg nyob hauv nroog Flint thiab tuaj yeem pab koj.

Pab pawg CORE muaj cov ntaub ntawv txog kev ntsuas dej, kev noj qab haus huv thiab khoom noj haus zoo thiab lwm yam kev puas ntxiv. Pab pawg CORE tau mus ntsib ntau dua 25,000 lub tsev nyob hauv Nroog Flint thiab tiv toj nrog nrog ze li 6,000 tus neeg nyob hauv lub nroog.

Thaum yuav cov dej mam li zoo haus tsis tas yuav muab lim? Peb nyob ze qhov ntawv lawm. Cov kws tshawb fawb ntawm txhua theem hauv tsoomfwb thiab cov kws tshaj lij ua haujlwm tsis nce rau leej twg yuav tsum pom zoo tias cov dej nyab xeeb ua ntej peb tuaj yeem teeb tsa hnuv ntawv. Lub Nroog Flint tseem cog lus tias yuav hloov txhua cov raj xa dej. Peb yuav ua txhua yam uas tuaj yeem ua tau kom xa cov dej huv rau sawv daws.

Peb ua haujlwm hnyav txhua hnuv los kho cov dej. Tab sis tseem tsis tau txaus. Peb kuj tseem ua haujlwm nrog kev txais ntau tus neeg ua haujlwm ntxiv. Peb mob siab rautxog kev txhim kho peb cov tsev kawm ntawv thiab cov kev qhia paub ntawm chaw haujlwm. Peb txhawb kom cov neeg zej zog muaj kev nyab xeeb thiab siv dej muaj txiaj ntsig zoo. Uas yog ua haujlwm nrog peb cov phooj ywg peb cov neeg ib puag ncig, peb cov tsev teev hawm, peb cov tsev kawm ntawv thiab peb Lub Nroog, Lub Xeev, thiab Cov koom tes nrog Tsoomfwb, peb tuaj yeem rov tsim Lub Nroog Flint ua ke.

Kuv tau hais ntau zaus tias, "Peb paub tias cov neeg nyob hauv zej zog tuaj yeem kho lub zej zog." Peb txhua tus ua lub luag haujlwm tseem ceeb hauv kev kho thiab rov tsim lub nroog Flint, yog li ntawv UA TSAUG rau koj qhov kev koom tes nrog kev hloov lub nroog Flint mus lawm yav tom ntej. Peb yuav tsis tso seg kom txog thaum cov neeg nyob hauv nroog Flint tuaj yeem haus thiab siv cov dej muaj kev nyab xeeb yam tsis tas siv taub lim dej.

Yog koj xav paub ntaub ntawv ntau ntxiv ntsig txog cov chaw pab lossis cov lus teb rau koj cov lus nug, hu rau 2-1-1 lossis mus ntsib www.flintcares.com, www.helpforflint.com, www.cityofflint.com lossis www.michigan.gov/flintwater.

Nrog kev txaus siab,



Dr. Karen Weaver, Tus Thawj Pov Tswj Nroog Flint thiab
Tus Thawj Saib Xyuas Kev Tswj Hwm Lub Nroog Flint

KOJ PUAS TAU PAUB?

- Cov ntaub ntawd tseem ceeb rau Flint cov tsev neeg thaum lub nroog tab tom txuas ntxiv kho -

NRUAB COV TAUB THIAB SAIB XYUAS COV TAUB LIM DEJ TSHEM TAWM TXHUAJ TXHUAS 99.9%

Cov taub lim dej muaj txaj ntsig zoo tshem tawm cov tshuaj txhuas thiab lwm cov sub tsuag li ntawm 99.9% thaum nruab cov taub thiab saib xyuas kom zoo tas li. Cov dej hauv LUB TAUB LIM DEJ muaj kev nyab xeeb ib yam nkaus li cov dej ntim hauv lub taub dej thiab tau txais cov dej no yooj yim tshaj qhov mus nqa cov taub dej tom lub chaw pab dej.

Muaj cov taub lim dej nyob ntawm lub chaw xa dej lossis tuaj yeem xa mus tom tsev uas yog hu xovtooj rau Nroog Genesee Lub Chaw Haujlwm Saib Xyuas Xwm Txheej Kub Ntxhov ntawm 810-257-3600 los yog hu rau United Way tus npawb 2-1-1. Nws yog ib qho tseem ceeb uas txhua yim neeg yuav tau nruab cov taub lim dej uas tau lees paub los ntawm Lub Koom Haum Saib Xyuas Kev Nyiam Huv Hauv Tebchaws (National Sanitation Foundation (NSF)) thiab saib xyuas kom zoo tas li.

KEV NTSUAS FLINT COV DEJ

Qhov nyuam qhuav ntsuas zaum tas los no qhia pom tias 96% ntawm cov dej koj los ntsuas nyob rau theem lossis theem hauv qab tsoomfwv cov qauv dej zoo. Nov yog kev ntsuas ua ntu zus zaum thib rau uas pom tias cov dej nyob rau theem lossis theem hauv qab cov qauv dej zoo thiab tau tsim cov tshuaj txhuas tsawg tshaj plaws txhua qhov kev ntsuas nyob rau xyoo 2016. Cov kws tshawb fawb tshuaj xyuas nroog Flint cov dej kuj tseem nrug deb NSF-lub taub lim dej uas tau lees paub thiab pom tias cov dej hauv lub taub lim dej tsis muaj tshuaj txhuas txhua zaus.

KEV SIV COV DEJ UAS TAU LIM THIAB COV DEJ TSIS TAU LIM

Cov dej **TAU LIM** yog cov dej nyab xeeb rau haus, ua zaub mov noj thiab ntxuav txiv hmab txiv ntoo/zaub, txhuam hniav, tov mis rau menyuam noj, thiab muab rau tsiaj haus. Cov dej ntawm TUS KAIS LIM DEJ muaj kev nyab xeeb rau txhua tus neeg.

Cov Dej **Tsis Tau Lim** yog cov dej muaj kev nyab xeeb rau ntxuav thiab siv da dej.

Qhov txuas ntxiv kho cov dej ntawm nroog Flint yog ua kom cov dej tau txais kev saib xyuas hla cov khoom lim dej, yog li siv lub nroog cov dej thaum twg los xij uas koj tuaj yeem hloov cov dej hauv taub dej.

COV KEV NTSUAS POM TIAS COV TUAB LIM DEJ UA HAUJLWM TAU ZOO

Lub Chaw Haujlwm EPA (U.S. Environmental Protection Agency) thiab CDC (U.S. Center for Disease Control) tau ntsuas cov taub lim dej hauv nroog Flint thiab pom tias NSF-cov taub lim dej tso cai siv uas lub xeev xa tuaj ntawm lim tau cov dej tsis muaj tshuaj txhuas xyaw txhawm rau txhua tus neeg siv. Cov dej ua piv txwv tau nqa ntawm cov chaw muaj pheed hmoos siab nyob hauv tsev uas muaj cov raj dej tshuaj txhuas tag nrho, cov raj dej yaj them, thiab qhov chaw uas muaj cov neeg tsis taus coob, suav nrog cov pojniam cev xeeb tub thiab cov menyuam yaus.

KAWM PAUB KEV LIM DEJ THIAB CORE (QHIA KEV PAUB RAU NIAM TXIV PEJ XEEM)

Qhov kev pab CORE tau tsim los muab kev pab thiab kev kawm paub rau ib yig dhau ib yig kom ntseeg tias cov neeg nyob hauv nroog Flint puav leej nruab, siv thiab saib xyuas lawv cov taub lim dej zoo. Nws kuj tseem paub zoo tias cov neeg nyob hauv tau txais txhua cov ntaub ntawv uas lawv xav tau txog cov kev pab uas muaj rau lawv, pab lawv kho cov dej, txhawb kev noj qab haus huv thiab khoom noj haus zoo, thiab kev kho mob.

Pab pawg CORE muaj cov neeg nyob hauv nroog Flint ntawm lub zej zog uas tau ua siab ntev ntau yam yam nyuaj zoo sib xws, uas txhais tau tias muaj cov neeg nyob hauv zej zog pab cov neeg hauv zej zog.

Qhov kev pab CORE tau pib ntawm Lub Nroog Flint hauv kev koom tes nrog Xeev Michigan. Cov kev pab uas tam sim no tab tom ua txhawm rau ntiav ntau tus neeg ua haujlwm CORE li ntawm \$12 txog \$15 toj xuaj moos. Cov neeg muas nyiam yuav tsum tiv toj GST Michigan Works! Hauv xovtooj ntawm 810-233-5974, online ntawm www.gstmiworks/flintwaterproject, uas yog xa email rau ntawm flintwater@gstmiworks.org lossis muab rau neeg nqa mus rau ntawm Lub Chaw Ntiav Neeg Ua Haujlwm nyob ntawm 711 N. Saginaw Street in Flint.

Tam sim no, Pab Pawg CORE tau mus ntsib ntau dua 25,600 lub tsev thiab tiv toj nrog cov neeg nyob zee 6,000 leej.

- NPLOOJ 2 -

XA COV TAUB LIM DEJ MUS TOM TSEV

Cov neeg uas tsis tuaj yeem mus nqa cov dej tom lub chaw xa dej vim yog hnuv nyooq los yog muaj teebmeem kev noj qab haus huv yuav tsum hu rau United Way 2-1-1 thiab yuav muab cov dej xa mus, feem ntau nyob hauv 24 xuj moos. Tam sim no, kwv yees li 1,300 tus neeg nyob hauv tau txais cov dej.

HAUJLWM! HAUJLWM! HAUJLWM!

Cov neeg nyob hauv nroog Flint tab tom tau txais kev qhia ua haujlwm thiab raug ntiav ua haujlwm ua ib feem ntawm kev kho cov dej hauv nroog Flint. Tam sim no, ze li 1,000 tus neeg nyob hauv nroog Flint tab tom ua haujlwm hauv cov chaw xa dej, thiab cov Chaw Pab Cuam Tshiab, thiab lwm cov haujlwm thoob plaws lub nroog.

Kom paub ntau ntxiv txog cov haujlwm uas tseem muaj hauv nroog Flint, mus saib hauv www.gstmiworks/flintwaterproject, hu rau 810-233-5974, xa email rau flint-water@gstmiworks.org lossis tau txais kev pab ntawm Chaw Pabcuam Ntiav Ua Haujlwm ntawm GST Michigan Works! ntawm 711 N. Saginaw Street, Flint.

KEV PAB HLOOV COV RAJ XA DEJ

Kev hloov cov raj xa dej tshuaj txhuas txuas ntxiv yog ib lub hom phiaj sij hawm ntev. Lub hom phiaj ntawm Tus Thawj Pov Tswj Karen Weaver Qhov Kev Pab FAST Start yog txhawm rau hloov ntau txhiab roj raj xa dej thaum tag lub xyoo thiab ntau txhiab txoj nyob lub xyoo txuas ntxiv. Lub xeev tau muab nyiaj \$27.5 lab rau hloov cov raj xa dej thiab ua haujlwm nroog lub Nroog Flint kom txuas ntxiv pab hloov cov raj xa dej.

KEV PAB NYIAJ NQI DEJ

Lub xeev tau muab nyiaj rau them 65% ntawm koj cov nqi dej. Kom tau txais cov nyiaj pab no, koj yuav tsum them koj cov nqi dej tam sim no thiab yam tsawg kawg 10% ntawm cov nyiaj tseem tshuav yav tas los. Yog tias daim ntawv sau nyiaj tsis yog tam sim no thiab yam tsawg kawg 10% ntawm cov nyiaj nqi dej tseem tshuav thiab tsis tau them, yuav muaj ntau qhov kev sau nyiaj. Cov no suav nrog plam cov nyiaj nqi dej 65% them cov nqi dej yav tom ntej, sau cov nqi paj ntawm cov nyiaj uas tsis tau them yav tas los, lossis tus asthiv yuav raug hloov ntawm cov npe “txiav tawm”. Yog tias tus neeg nyob sab hauv muaj lus nug dab tsi ntsig txog lawv tus as-qhauj, thov tiv toj rau lawv Lub Chaw Pab Cuam Cov Neeg Siv Dej Hauv Nroog Flint ntawm 810-766-7015. Yog tias tus neeg nyob hauv ntsib kev nyuaj siab uas cuam tshuam txog lawv rab peev xwm them rau cov nqi dej, thov mus ntsib hauv Lub Chaw Pabcuam Cov Neeg Siv Dej kom nrhiav cov kev pab uas muaj rau.

MUAJ MOB LOS NTAWM COV TSHUAJ TXHUAS

Cov tshuaj txhuas tuaj yeem ua rau muaj mob hnyav thiab muaj mob mus tas ib txhis, tshwj xeeb mas yog cov pojniam uas tab tom cev xeeb tub, cov menyuam mos liab, thiab cov menyuam yaus hnuv nyooq 6 xyoo thiab me dua, thiab cov neeg loj uas muaj mob ntshav siab lossis muaj mob raum. Cov neeg nyob hauv yuav tsum tiv toj rau lawv thawj tus kws kho mob yog tias lawv ntseeg tias muaj qhov cuam tshuam.

NTXIV NYIAJ PAB THEM NQI KHO MOB

Cov nyiaj pab them nqi kho mob muaj pub dawb rau ntau tus neeg nyob hauv nroog Flint uas tau txais kev pab los ntawm Lub Nroog Flint cov kev pab dej txij Lub Plaub Hli 2014. Qhov no suav nrog cov menyuam yaus thiab cov neeg loj muaj hnuv nyooq ntau txog 21 xyoo thiab cov pojniam cev xeeb tub. Tuaj yeem nrhiav pom cov ntau ntawv ntau ntxiv hauv online ntawm www.michigan.gov/mibridges, hu xovtooj tau rau ntawm 1-866-789-5610, TTY 1-866-501-5656 lossis mus ntsib ntawm Lub Chaw Haujlwm Saib Xyuas Kev Pab Cuam Noj Qab Haus Huv thiab Tib Neeg.

TAWM TSAM TSHUAJ TXHUAS NROG KEV NOJ HAUS ZOO

Cov khoom noj muaj calcium, hlau, thiab vitamin C tuaj yeem pab txo qis kev muaj mob los ntawm tshuaj txhuas. Piv txwv li, mis thiab cov khoom ua mis noj, xws li mis qaub thiab cheese. Tsis tas li ntawv xwb, noj cov zaub ntsuab kom ntau, xws li zaub ntsuab, zaub qhwv, thiab zaub nplooj ntsuab. Txiv qaub, xws li txiv kab ntxwv lossis txiv kab ntxwv qaub, thiab lwm yam txiv qaub ntau ntxiv thiab cov zaub ntsuab xws li zaub paj thiab kiwi, kuj muaj txiaj ntsig zoo.

KOM PAUB NTAUB NTAWV NTAU NTXIV LOSSIS CHAW PAB

Hu rau United Way 2-1-1 lossis mus ntsib www.michigan.gov/flintwater, www.helpforflint.com lossis www.cityofflint.com. Koj kuj tuaj yeem mus saib hauv lub zej zog tus website kom paub ntau ntxiv ntawm www.flintcares.com. Yog tias koj xav tau kev pab nruab koj cov taub lim dej lossis muaj lus nug ntsig txog cov taub lim dej, tiv toj Michigan Department of Environmental Quality (MDEQ) ntawm 810-238-6700 lossis 1-800-662-9278 lossis deq-assist@michigan.gov.

TAKING ACTION ON FLINT WATER

www.mi.gov/FlintWater

COV DEJ HAUV ZEJ ZOG RESOURCE COV XAIB

Mus ntsib cov chaw pab cuam dej hauv zej zog kom tau txais cov taub dej, cov taub lim dej, hloov taub lim dej thiab cov khoom ntsuas dej. Cov neeg nyob hauv nroog tuaj yeem khocov taub qub siv dua thiab siv lub sim dej tshiab ntawm qhov chaw pab.

Cov xuaj moos ua haujlwm ntawm cov chaw pab dej hauv zej zog:

Monday txog Saturday: Tav su txog 6 teev tsaus ntuj.

Sunday: Kaw chaw haujlwm

Chav Thib 1: Ross Plaza
2320 W. Pierson Road
Flint, MI 48504

Chav Thib 2: St. Mark Missionary Baptist Church
3020 DuPont Street
Flint, MI 48504

Chav Thib 3: Mt. Calvary Missionary Baptist Church
4805 N. Saginaw Street
Flint, MI 48505

Chav Thib 4: Franklin Avenue Lot
2804 N. Franklin Avenue
Flint, MI 48506

Chav Thib 5: Old Flint Farmers' Market
420 E. Boulevard Drive
Flint, MI 48503

Chav Thib 6: West Court Street Church of God
2920 W. Court Street
Flint, MI 48503

Chav Thib 7: Grace Emmanuel Baptist Church
3502 Lapeer Road
Flint, MI 48503

Chav Thib 8: Lincoln Park United Methodist Church
3410 Fenton Road
Flint, MI 48507

Chav Thib 9: Eastown Bowl Bowling Alley
3001 S. Dort Highway

SIV COV DEJ TAU MUAB LIM

- Haus, ua zaub mov
- Txhuam hniav
- Ntxuav txiv ntoo thiab zaub
- Muab rau tsiaj haus

SIV COV DEJ TSIIS TAU LIM

- Ntxuav
- Da dej

NTSUAS TSHUAJ TXHUAS HAUV COV NTSHAV

Txhua tus menyuam nyob hauv nroog Flint hnuv nyoog qis dua rau xyoo yuav tau kuaj tshuaj txhuas hauv cov ntshav. Tiv toj koj thawj tus kws khomob lossis hu rau 2-1-1.

KHOOM NOJ ZOO

Koj puas paub tias muaj qee yam khoom noj pab tshem cov tshuaj txhuas nyob hauv tus menyuam lub cev? Cov khoom noj no yog cov uas muaj calcium, vitamin C thiab hlau.


KEV NTSUAS DEJ PUB DAWB

Cov neeg nyob hauv nroog Flint uas muaj kev txhawj xeeb txog lawv cov dej tuaj yeem tau txais cov khoom ntsuas pub dawb ntawm chaw pab dej.

SIV LUB TAUB LIM DEJ THIAB DAIM LIM DEJ

Cov taub lim dej tuaj yeem txo qis cov tshuaj txhuas thiab lwm yam sub tsuag txog 99 feem pua thaum nruab tau raug. Muaj cov taub lim dej pub dawb nyob ntawm cov chaw pab dej.

KOM TAU TXAIS KEV PAB SAI SAI HU RAU 2-1-1



MUAJ DAB TSI NYOB HAUV KOJ LUB THAWV

- A. Lub Taub Lim Dej
- B. Daim Lim Dej Hauj Lub Taub
- C. Lub kho kom haum (tej zaum koj yuav xav tau los yog tsis xav tau ib yam ntawm no)
- D. Cov Voi Yas Ntxuav (cov no txuas nrog lub kho kom haum)



KEV NRUAB LUB KHO KOM HAUM

Txhua tus kais dej muaj qhov ntswj pem ntsis uas tuaj yeem hle tau. Ntswj thiab hle nws. Yog koj tus kais dej muab tso rau SAB NRAUV, koj tsis tas siv lub kho kom haum lossis lub voj yas ntxuav. Yog tias koj tus kais dej nyob SAB HAUV, koj yuav tsum tau siv ib lub kho kom haum (C) thiab txuas lub voj yas ntxuav (D). Kho kom koj lub ua kom haum ntawv haum rau tus kais dej thiab muab ntswj kom ceev.



NRUAB LUB TAUB LIM DEJ

Khauj Ruam 1

Txawb lub taub lim dej (A) hauv qab koj tus kais dej muaj lub khob lim dej rau sab laug ntawm koj tus kais dej. Ntswj lub dab ntxuav mus rau tus kais dej thiab siv tes ntswj kom khov. Tsis txhob ntswj kom ceev dhau lossis txhob siv ciaj ntswj.



Khauj Ruam 2

Tso koj txhais tes rau hauv qab lub khob lim dej. Nrog rau daim lim dej (B), ntxig tus ntsia rau lub qhov hauv qab ntawm daim lim dej nrog lub qhov hauv lub khob lim dej thiab muab rub rau hauv kom txog thaum hnov suab nrov.



SIV KOJ LUB TAUB LIM DEJ

Muaj ib tus tes nqa lub taub lim dej nyob sab xis ntawm lub taub lim dej. Txav tus tes rau lub cim Brita logo (tom hauv ntej lub taub) kom siv lub taub lim dej. Tsuas yog siv dej TXIAS hauv lub taub lim dej txhua lub sijhawm.

Thaum koj siv koj lub taub lim dej thawj zaug TSUAS YOG, siv cov dej txias xwb li tsib feeb. Tom qab ntawv, koj lub taub lim dej siv tau txhua lub sijhawm thaum koj qhib tus kais dej.



KEV NRUAB LUB TAUB LIM DEJ

- Cov Dej Lim Tas Lawm** – Brita cov dej ntwis tawm tom hauv ntej ntawm tus tes tuav taub dej
- Cov Dej Nyooos Tsis Tau Lim** – Ib co dej ntwis tawm hauv nruab nrab ntawm tus tes tuav taub dej
- Cov Dej Txhuav Uas Tsis Tau Lim** – Peb cov dej ntwis tawm tom qab ntawm tus tes tuav taub dej

THAUM TWG KOJ THIAJ YUAV SIV COV DEJ LIM TAS LOS YOG TSIIS TAU LIM?

COV DEJ LIM LAWM - DEJ TXIAS XWB

- Haus (ua kas fes, kua txiv ntoo, tov mis rau menyuam)
- Ua zaub mov
- Ntxuav txiv ntoo thiab zaub
- Txhuam hniav rau menyuam yaus
- Hliv rau tsiaj haus

COV DEJ TSIIS TAU LIM

- Ntxuav koj ob txhais tes
- Ntxuav koj cov tais diav, ntxhua khaub ncaws
- So plag tsev, so txee
- Da dej, ntxuav ib ce (tib neeg thiab tsiaj)
- Cov neeg loj txhuam hniav



HLOOV KOJ LUB TAUB LIM DEJ

Txhua zaus koj siv koj lub taub lim dej, lub qhov muag teeb yuav cig.

NTSUAB – Koj lub taub lim dej ua haujlwm zoo

DAJ – Koj lub taub lim dej ua haujlwm zoo, tab sis koj yuav tsum tau hloov sai.

LIAB – Nws yog sijhawm yuav tau hloov koj lub taub lim dej. Nias lub qhov qhib daim lim dej ntawm nruab qaum lub khob lim dej thiab thawb lub lim dej rau sauv. Rov mus saib khauj ruam 2 kom nruab daim lim dej hauv lub khob.



TSHEM TAWM LUB LIM DEJ

Koj yuav tau tshem tawm koj lub lim dej, ntswj tawm yooj yim ntawm lub hau ntawm tus kais dej.

XAV PAUB NTAU NTXIV

Yog koj nyob hauv lub Nroog Flint thiab xav tau lub taub lim dej pub dawb lossis hloov daim lim dej, muaj nyob ntawm lub website chaw nqa dej siv. Yog koj tsis tuaj yeem mus ntsib hauv tus wev xaib dej siv, hu rau 810-257-3600 lossis United Way 211.

Xav tau txais kev ntsuas dej pub dawb, mus saib hauv chaw nqa dej lub website, Lub Tuam Tsev Hauv Nroog Flint, lossis hu rau Flint Water Plant ntawm 810-787-6537.

Yog koj nyob sab nrauv lub nroog Flint thiab xav yuav lub taub lim dej los tiv thiaiv koj thiab koj tsev neeg los ntawm cov tshuaj txhuas lossis lwm yam khes mis, kom ntseeg tias koj tau txais lub taub lim dej raug raws li NSF-tau pom zoo. Saib qhov cim ntawm kem plaub fab:





MUAJ DAB TSI NYOB HAUV KOJ LUB THAWV

- A. Lub Taub Lim Dej
- B. Daim Lim Dej Hauv Lub Taub
- C. Lub kho kom haum (tej zaum koj yuav xav tau los yog tsis xav tau ib yam ntawm no)
- D. Cov Voj Yas Ntxuav (cov no txuas nrog lub kho kom haum)



KEV NRUAB LUB KHO KOM HAUM

Txhua tus kais dej muaj qhov ntswj pem ntsis uas tuaj yeem hle tau. Ntswj thiab tshem tawm lub taub tshuab cua ntawm koj tus kais dej. Sim ntau lub kho kom haum sib txawv (C) kom nrhiav tau lub haum koj tus kais dej tshaj. Thaum koj nrhiav tau lub haum lawm, ntxig lub voj yas ntxuav (D) ntawm lub kho kom haum thiab ntswj lub kho kom haum rau koj tus kais dej.



NRUAB LUB TAUB LIM DEJ

Khauj Ruam 1

Ntswj lub hau saum lub taub lim dej (A).

Khauj Ruam 2

Tshem tawm koj daim lim dej (B) ntawm nws lub hlab yas thiab tso daim lim dej rau saum toj kawg ntawm lub taub lim dej (A). Ntawm "hauv ntej" tus cim xib xub ntawm daim lim dej yuav tsum sawv ntsug nrog lub cim PUR logo tom hauv ntej ntawm koj lub taub lim dej. Ntswj saum toj kawg ntawm lub taub rov qab.



Khauj Ruam 3

Nruab lub taub lim dej rau lub kho kom haum rau koj tus kais dej uas yog thawb yooj yim kom txog thaum koj hnov lub suab nrov.

Saib nplooj ntawv tom ntej kom paub ntau ntxiv txog yuav siv koj lub taub tshiab li cas.





SIV KOJ LUB TAUB LIM DEJ

Muaj ib tus tes tuav dub ntawm ib sab lub taub lim dej. Thaum tus tes no ncaj, koj TSIS siv lub taub lawm. Thaum siv lub taub lim dej, nias tus tes dub ntawv rau hauv thiab tsuas yog hliv dej TXIAS rau lub taub lim dej txhua lub sijhawm.

Thaum koj siv koj lub taub lim dej thawj zaug TSUAS YOG, siv cov dej txias xwb li tsib feeb. Tom qab ntawv, koj lub taub lim dej siv tau txhua lub sijhawm thaum koj qhib tus kais dej.

THAUM TWG KOJ THIAJ YUAV SIV TAU COV DEJ LIM TAS LOS YOG TSIS TAU LIM?

COV DEJ LIM LAWM - DEJ TXIAS XWB

Haus (ua kas fes, kua txiv ntoo, tov mis rau menyuam)
 Ua zaub mov
 Ntxuav txiv ntoo thiab zaub
 Txhuam hniav rau menyuam yaus
 Hliv rau tsiaj haus

COV DEJ TSIS TAU LIM

Ntxuav koj ob txhais tes
 Ntxuav koj cov tais diav, ntxhua khaub ncaws
 So plag tsev, so txee
 Da dej, ntxuav ib ce (tib neeg thiab tsiaj)
 Cov neeg loj txhuam hniav



HLOOV KOJ LUB TAUB LIM DEJ

Txhua zaus koj siv koj lub taub lim dej, lub qhov muag teeb yuav cig.

NTSUAB – Koj lub taub lim dej ua haujlwm zoo

DAJ – Koj lub taub lim dej ua haujlwm zoo, tab sis koj yuav tsum tau hloov sai.

LIAB – Nws yog sijhawm yuav tau hloov koj lub taub lim de. Rov mus saib khauj ruam 2 thaum koj muaj daim lim dej tshiab.



TSHEM TAWM LUB LIM DEJ

Koj yuav tsum tau tshem tawm koj lub taub lim dej, muaj cov hauv kev rho tawm tau yooj yim. Muaj lub pob dawb me me nyob ob sab ntawm lub kho kom haum. Ua tib txhij ntswj ob lub pob no thiab lub tau dej yuav rho tawm.

XAV PAUB NTAU NTXIV

Yog koj nyob hauv lub Nroog Flint thiab xav tau lub taub lim dej pub dawb lossis hloov daim lim dej, muaj nyob ntawm lub website chaw nqa dej siv. Yog koj tsis tuaj yeem mus ntsib hauv tus wev xaib dej siv, hu rau 810-257-3600 lossis United Way 211.

Xav tau txais kev ntsuas dej pub dawb, mus saib hauv chaw nqa dej lub website, Lub Tuam Tsev Hauv Nroog Flint, lossis hu rau Flint Water Plant ntawm 810-787-6537.

Yog koj nyob sab nrauv lub nroog Flint thiab xav yuav lub taub lim dej los tiv thaiv koj thiab koj tsev neeg los ntawm cov tshuaj txhuas lossis lwm yam khes mis, kom ntseeg tias koj tau txais lub taub lim dej raug raws li NSF-tau pom zoo. Saib qhov cim ntawm kev plaub fab:



